

আপনার ৭ম গ্রেডের সন্তানকে কীভাবে ইংরেজি ভাষা শৈলীর সাফল্যে সহায়তা দিতে পারেন

সপ্তম গ্রেডে, শিক্ষার্থীরা কোন টেক্সটের ব্যাখ্যা দান অথবা বিশ্লেষণে প্রাসঙ্গিক প্রমাণ দেবার ক্ষমতা তৈরি বা তাদের বলা এবং লেখায় যুক্তি প্রদান অব্যাহত রাখবে। আপনার সন্তান জটিল টেক্সট পড়ার সময় তার অ্যাকাডেমিক শব্দভাণ্ডারও গড়ে তুলবে - এর অন্তর্ভুক্ত গল্প, নাটক, ঐতিহাসিক উপন্যাস, কবিতা, এবং তথ্যমূলক বই ও কোন লেখা।

যেসব কর্মকাণ্ড আপনি বাড়িতে করতে পারেন:

সংবাদে

আপনার ৭ম গ্রেডের শিক্ষার্থীকে নিয়ে খবর দেখুন। এমন একটি বিষয় খুঁজে নিন যেটিতে তার আগ্রহ রয়েছে। তারপর তাকে স্থানীয় সংবাদপত্র অথবা ইন্টারনেট থেকে একটি নিবন্ধ খুঁজে নিতে দিন যেখানে বিষয়ের উভয় দিকের তথ্য আছে। নিবন্ধটি পড়ার পর, বিষয়ের যে পক্ষ আপনার সন্তানের কাছে সঠিক মনে হয়েছে সেই পক্ষে যুক্তি খাঁড়া করতে দিন। আপনি বিপক্ষে থেকে তার যুক্তি খণ্ডন করুন।

আমাদের কমিউনিটি

পরবর্তীতে আপনি যখন আপনার সন্তানকে সঙ্গে আপনার এলাকায় হেঁটে বেড়ান, তখন তাকে এইসব প্রশ্ন জিজ্ঞেস করতে পারেন: আমাদের মহল্লার সবচেয়ে ভালো দিকগুলো কী? কেন? আমাদের মহল্লার কোন জিনিসগুলোর উন্নতি প্রয়োজন? কেন?

একটি মুভি রজনীর পরিকল্পনা করুন

আপনার সন্তানকে পুরো পরিবারের জন্য একটি মুভি রজনী পরিকল্পনা করতে বলুন (যদি সম্ভব হয়, এমন একটি বইয়ের উপর যা আপনার একসাথে পড়েছেন)। তাকে সময়, স্থান, এবং এর জন্য কত খরচ হবে তা বের করতে বলুন। মুভিটি কোথায় চলছে বা কোথা থেকে তা ভাড়া পাওয়া যাবে, সবাইকে নিয়ে মুভিটি দেখতে কত খরচ হবে, এবং পরিবারের সকলকে নিয়ে মুভিটি দেখার একটি সময় বের করার জন্য গবেষণা করতে বলুন।

আপনার সন্তানকে সহায়তাদানের কিছু টুকটাকি বিষয়:

- ♦ আপনার সন্তানকে একটি জার্নাল রাখতে সহায়তা দিন। বাড়ি এবং স্কুলে যা ঘটে অথবা আপনার সন্তান যেসব বিষয় মনে রাখতে চায়, সেসব জিনিসগুলো তাকে লিখে রাখতে উত্সাহিত করুন।
- ♦ একটি পারিবারিক রিডিং ক্লাব চালু করুন। এর জন্য সবখানে আপনি ফ্রি-তে বিভিন্ন সরঞ্জাম পাবেন - আলোচনার জন্য প্যামপ্লেট, ব্রোসিওর এবং ক্লায়ার।

বাড়তি তথ্যসূত্র:

<http://www.engageny.org/parent-guides-to-the-common-core-standards>

<http://www.merriam-webster.com/game>



আপনার ৭ম গ্রেডের সন্তানকে কীভাবে ইংরেজি ভাষা শৈলীর সাফল্যে

সপ্তম গ্রেডে, শিক্ষার্থীরা আনুপাতিক হার সংশ্লিষ্ট করে বাস্তব-জীবনের সমস্যা সমাধানে টেবিল, গ্রাফ, এবং সমীকরণের ব্যবহার করে তাদের হার এবং অনুপাতের ধারণা আরও বাড়িয়ে তুলবে। তারা পসেটিভ এবং নেগেটিভ র্যাশনাল সংখ্যা সংশ্লিষ্ট বহু-ধাপের সমস্যা দ্রুত এবং সঠিকভাবে সমাধান করার উপরও কাজ করবে।

মেসব কর্মকাণ্ড আপনি বাড়িতে করতে পারেন:

আবহাওয়ার গতি-নির্দেশক

আপনার সন্তানকে আবহাওয়া গরম না ঠান্ডার দিকে যাচ্ছে সে খবর রাখতে সহায়তা করুন। তাকে প্রতিদিনের তাপমাত্রার একটি গ্রাফ তৈরি করতে দিন এবং প্রতিদিন ও মাসের তাপমাত্রা বৃদ্ধি অথবা হ্রাসের শতকরা একটি হিসেব রাখতে বলুন। যেমন, গতকাল যদি 25° ডিগ্রি এবং আজ যদি 20° হয়, তাহলে শতকরা 20% হ্রাস হলো।

শতকরা হ্রাস = (পুরনো - নতুন)/পুরনো

ধাপগুলো:

1. $25 - 20 = 5$

2. $5/25 = 0.20$

3. $0.20 = 20\%$ হ্রাস

মূল্য হ্রাস

সম্প্রতি কোন কাপড় কেনার একটি রিসিট নিন। আপনার সন্তানকে সেখান থেকে তার মূল মূল্য এবং হ্রাসকৃত মূল্য দেখতে দিন এবং তাকে শতকরা কত হ্রাস করা হয়েছে সেটি বের করতে বলুন।

তোমার বয়স কতো?

আপনার সন্তানকে মিনিট, দিন, এবং মাসের হিসেবে তার বয়স বের করতে দিন। যে সময়ে তার জন্ম হয়েছিলো সেটি তাকে বলুন এবং তারপর মিনিট, দিন, এবং মাসের হিসেব থেকে তার মোট বয়স বের করতে দিন। এরপর তাকে আপনার পরিবারের প্রত্যেকের বয়স একইভাবে বের করতে দিন।

আপনার সন্তানকে সহায়তাদানের কিছু টুকিটাকি বিষয়:

- ◆ স্টোর থেকে কেনা প্রতিটি জিনিসের আলাদা দাম তাকে হিসেব করে বের করতে বলুন। যেমন, যদি 3 পাউন্ড ময়দার দাম \$4.50 হয়, তাহলে এক পাউন্ড ময়দার দাম কত? (প্রতি পাউন্ডের দাম \$1.50)
- ◆ খাবারের পর বকশিস কত দিতে হবে তা আপনার সন্তানকে হিসেব করে বের করতে দিন। 15% -এ কত হবে? 18%-এ কত হয়? 20%?

বাড়তি তথ্যসূত্র:

<http://www.commoncoreworks.org/site>

<http://powermylearning.org>

